



BOSNIA AND HERCEGOVINA  
MINISTRY OF FINANCE  
AND TREASURY

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 04-1-02-5-52-9/20  
Sarajevo, 24.03.2020. godine

BOSNA I HERCEGOVINA  
MINISTARSTVO FINANSIJA I TREZORA  
Trg BiH 1

25-03-2020

**Predmet: Prijedlog Izvještaja o radu Centralne harmonizacijske jedinice  
Ministarstva finansija i trezora BiH za 2019. godinu, dostava Generalnom  
sekretarijatu Vijeća ministara BiH radi razmatranja na sjednici, traži se**

Poštovani,

U prilogu vam dostavljamo Izvještaj o radu Centralne harmonizacijske jedinice Ministarstva finansija i trezora BiH za 2019. godinu (tekstualni i tabelarni dio) sa sljedećim aktima: Mišljenje Ureda za zakonodavstvo BiH broj: 03-02-4-214/20 od 12.03.2020. godine, Mišljenje Ministarstva finansija i trezora Bosne i Hercegovine broj: 05-02-2-2215-2/20 od 11.03.2020. godine, Izvještaj o provedenim konsultacijama za Izvještaj o radu, te Izjavu rukovodioca institucije o provedenim konsultacijama.

Napominjemo da smo u predmetni izvještaj ugradili sve dostavljene primjedbe nadležnih institucija, te se izjašnjavamo da, po dijelu navedenom u mišljenju Ureda za zakonodavstvo gdje je navedeno da: „nedostaje izjašnjenje po tačkama III, V i VI Oblasca Prilog II Uputstva o načinu pripreme godišnjeg programa rada i izvještaja o radu u institucijama Bosne i Hercegovine“, Centralna harmonizacijska jedinica nema u svom izvještaju izrađenih zakona, međunarodnih ugovora niti javnih investicija.

**Molimo vas da predmetni materijal dostavite Generalnom sekretarijatu Vijeća ministara Bosne i Hercegovine radi razmatranja i usvajanja na sjednici Vijeća ministara BiH.**

Dokument dostavljamo u pisanoj i elektronskoj formi.

Za sve dodatne informacije možete se obratiti Ivi Pujic-Miočević putem telefona 033/205-820 ili putem e-maila [ipujic@mft.gov.ba](mailto:ipujic@mft.gov.ba)

S poštovanjem,

**Prilog:**

- kao u tekstu x12

**Dostaviti:**

- naslovu,
- a/a.



**DIREKTOR**

**Ranko Šakota**



BOSNIA AND HERCEGOVINA  
MINISTRY OF FINANCE  
AND TREASURY

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

PRIJEDLOG

Broj: 04-1-02-5-52-2/20  
Sarajevo, 12.02.2020. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09, 87/12, 6/13, 19/16, 83/17 i 103/09) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Centralna harmonizacijska jedinica Ministarstva finansija i trezora Bosne i Hercegovine, *podnosi*

IZVJEŠTAJ O RADU

Centralne harmonizacijske jedinice Ministarstva finansija i trezora BiH za 2019. godinu

I-UVOD

Godišnji program rada Centralne harmonizacijske jedinice Ministarstva finansija i trezora BiH (CHJ MFiT BiH) za 2019. godinu pripremljen je u skladu sa Odlukom o godišnjem planiranju rada i načinu praćenja i izvještavanja o radu u institucijama BiH („Službeni glasnik BiH“ broj 94/14).

Godišnji program rada CHJ MFiT BiH predstavlja planirane rezultate za 2019. godinu koji se zasnivaju na srednjoročnom planu rada CHJ MFiT BiH.

CHJ MFiT BiH je, u skladu sa Zakonom o internoj reviziji u institucijama BiH Hercegovine („Službeni glasnik BiH“, broj 27/08 i 32/12), Zakonom o finansiranju institucija BiH („Službeni glasnik BiH“, br. 61/04, 49/09, 42/12 i 32/13) i Odlukom o uspostavljanju CHJ MFiT BiH („Službeni glasnik BiH“, broj: 44/09 i 48/18), nadležna za uspostavu i razvoj javnih internih finansijskih kontrola (PIFC) u institucijama BiH. Uspostava i razvoj PIFC-a u institucijama BiH je važan dio reforme javne uprave u BiH.

Tri su ključne komponente PIFC-a:

- CHJ MFiT BiH,
- Finansijsko upravljanje i kontrole, i
- Interna revizija

U skladu sa zakonima i podzakonskim aktima, CHJ MFiT BiH je, između ostalog, odgovorna za:

- Pripremu i ažuriranje strateških dokumenata iz oblasti PIFC-a,
- Pripremu zakona i podzakonskih akata iz oblasti PIFC-a,
- Definisane sadržaja programa obuke i koordinaciju programa obuke iz oblasti PIFC-a,
- Izradu godišnjih konsolidovanih izvještaja iz oblasti interne revizije i finansijskog upravljanja i kontrole u institucijama BiH, i

- Učešće u radu Koordinacionog odbora centralnih harmonizacijskih jedinica (KO CJH).  
Ciljevi srednjoročnog plana rada CHJ MFiT BiH proizilaze iz mandata, odnosno misije CHJ MFiT BiH.

Mandat CHJ MFiT je uspostava sistema, razvoj i koordinacija interne revizije i finansijskog upravljanja i kontrole u institucijama Bosne i Hercegovine. CHJ MFiT BiH vrši izradu, provođenje i praćenje provođenja propisa iz ovih oblasti u skladu sa međunarodnim standardima interne kontrole i interne revizije, a uz prethodnu harmonizaciju istih na nivou Koordinacionog odbora centralnih harmonizacijskih jedinica.

Misija CHJ MFiT BiH je uspostava i razvoj sistema javne interne finansijske kontrole (PIFC) u institucijama BiH radi osiguranja ekonomičnog, efikasnog i efektivnog trošenja budžetskih sredstava, poboljšanja finansijskog upravljanja i uspostavljanja upravljačke odgovornosti.

Obzirom na činjenicu da se srednjoročni plan rada institucija realizuje kroz godišnje planove rada, godišnji plan rada CHJ MFiT BiH za 2019. godinu predstavlja planirane razrađene ciljeve iz srednjoročnog plana rada.

Godišnji plan rada se realizuje kroz jedan program i to „Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH“, te dva projekta „Uspostava sistema za finansijsko upravljanje i kontrolu institucijama BiH“ i „Uspostava funkcionalno nezavisne interne revizije u institucijama BiH“.

### **Uspostava sistema za finansijsko upravljanje i kontrolu institucijama BiH**

U oblasti finansijskog upravljanja i kontrole u toku 2019. godine u potpunosti su realizovani postavljeni ciljevi koji se odnose na izvještavanje o sistemu finansijskog upravljanja i kontrole i organizaciju i realizaciju obuka iz oblasti finansijskog upravljanja i kontrole. Treći cilj izrada i ažuriranje podzakonskih akata nije u potpunosti realizovan zbog razloga što je došlo do kašnjenja planiranog „Projekta unapređenja javne interne finansijske kontrole u BiH“ finansiranog od strane Evropske komisije.

CHJ MFiT BiH je propisala formu i sadržaj Godišnjeg izvještaja o sistemu finansijskog upravljanja i kontrole u institucijama BiH za 2018. godinu. Dostavljeni godišnji izvještaji institucija BiH su obrađeni i sastavljen je Godišnji konsolidovani izvještaj o sistemu finansijskog upravljanja i kontrole u institucijama BiH za 2018. godinu.

CHJ MFiT BiH godišnji izvještaj o sistemu finansijskog upravljanja i kontrole za 2018. godinu u propisanom roku dostavila je 51 institucija Bosne i Hercegovine. Izvještaje je sa zakašnjenjem dostavilo 18 institucija BiH, dok šest institucija uopće nije dostavilo izvještaje. U konsolidovanom izvještaju o sistemu finansijskog upravljanja i kontrole u institucijama BiH navedeno je da je nepoštivanje zakonskih propisa i propisanih rokova za dostavljanje godišnjeg izvještaja o sistemu finansijskog upravljanja i kontrole pokazatelj izostanka upravljačke odgovornosti i opredijeljenosti rukovodstva za uspostavljanje ekonomičnog, efikasnog i efektivnog sistema internih kontrola.

Analizom podataka iz godišnjih izvještaja o sistemu finansijskog upravljanja i kontrole institucija BiH CHJ MFiT BiH došla je do zaključka da je ostvaren neznatan napredak u toku 2018. godine u odnosu na 2017. godinu, te da je ostvareni napredak još daleko od karakteristika kvalitetnog sistema finansijskog upravljanja i kontrole. Sistem internih kontrola moguće je unaprijediti samo dosljednom primjenom svih propisanih i donesenih kontrolnih mehanizama, odnosno osiguranjem da ti mehanizmi ne postoje samo zbog zadovoljavanja određene tražene forme.

Uz Godišnji konsolidovani izvještaj o sistemu finansijskog upravljanja i kontrole u institucijama BiH za 2018. godinu su predloženi zaključci koji se odnose na dalje aktivnosti CHJ MFiT BiH i na institucije BiH. Izvještaj je javno objavljen u martu 2019. godine na web platformi e-konsultacije.

Vijeće ministara BiH je upoznato sa Godišnjim konsolidovanim izvještajem o sistemu finansijskog upravljanja i kontrole u institucijama BiH za 2018. godinu i usvojilo predložene zaključke na 173. sjednici održanoj 10.06.2019. godine.

CHJ MFiT BiH je donijela i realizovala Plan i program obuke iz oblasti finansijskog upravljanja i kontrole u institucijama BiH za 2019. godinu.

U skladu s Planom i programom obuke, obuke su je namijenjene državnim službenicima iz institucija BiH imenovanim za finansijsko upravljanje i kontrolu i koordinatorima za proces upravljanja rizicima. Plan i program obuke iz oblasti finansijskog upravljanja i kontrole za 2019. godinu sadrži četiri (4) modula.

U okviru Modula 1. Plana i programa obuke iz oblasti finansijskog upravljanja i kontrole u institucijama BiH za 2019. godinu CHJ MFiT BiH organizirala je u junu interaktivnu obuku iz oblasti finansijskog upravljanja i kontrole u institucijama BiH. Ovoj obuci, prisustvovala su 43 državna službenika iz 41 institucije Bosne i Hercegovine. Predavači iz Centralne harmonizacijske jedinice Ministarstva finansija i trezora BiH su predstavili analizu trenutnog stanja u oblasti finansijskog upravljanja i kontrole u institucijama BiH s preporukama za daljnji razvoj ovog sistema. Također, održali su radionicu o upravljanju rizicima, na kojem se i zasniva finansijsko upravljanje i kontrola.

U okviru Modula 2. Plana i programa obuke iz oblasti finansijskog upravljanja i kontrole u institucijama BiH za 2019. godinu CHJ MFiT BiH je u oktobru 2019. godine održala obuku iz oblasti finansijskog upravljanja i kontrole u institucijama BiH. Obuci su prisustvovala 44 državna službenika iz 39 institucija Bosne i Hercegovine. Obuku su održali predavači iz CHJ MFiT BiH, a održana su predavanja na teme pojam, svrha, metodološki okvir i karakteristike finansijskog upravljanja i kontrole u institucijama BiH i proces upravljanja rizicima kao osnova uspostave finansijskog upravljanja i kontrole u institucijama BiH.

U okviru Modula 3. Plana i programa obuke iz oblasti finansijskog upravljanja i kontrole u institucijama BiH za 2019. godinu CHJ MFiT BiH je u oktobru 2019. godine u saradnji s Uredom za reviziju institucija BiH, organizovala radionicu o jačanju svijesti rukovodilaca srednjeg i višeg nivoa rukovođenja o značaju unapređenja finansijskog upravljanja i kontrole u institucijama Bosne i Hercegovine

Radionici je prisustvovalo su 50 učesnika direktori i zamjenici direktora institucija, sekretari ministarstava, pomoćnici ministara i pomoćnici direktora u institucijama BiH, i drugi rukovodioci u institucijama BiH.

Na radionici je istaknuto da je uspostavljanje finansijskog upravljanja i kontrole zakonska obaveza svih institucija BiH, te da kvalitetan sistem finansijskog upravljanja i kontrole podrazumijeva planski pristup poslovanju, upravljanje rizicima i mjerenje ostvarenja ciljeva. Podršku sistemu finansijskog upravljanja i kontrole moraju dati svi zaposleni, a ključnu odgovornost ima rukovodilac institucije. Unapređenjem finansijskog upravljanja i kontrole moguće je poboljšati opšti kvalitet javne uprave, odnosno izgraditi efikasnu i ekonomičnu javnu upravu.

Održana je prezentacija u o temi svrha i značaj finansijskog upravljanja i kontrole; odgovornost rukovodilaca i svih zaposlenih u institucijama BiH za unapređenje FUK-a.

U okviru Modula 4. Plana i programa obuke iz oblasti finansijskog upravljanja i kontrole u institucijama BiH za 2019. godinu CHJ MFiT BiH je u decembru 2019. godine održala obuku iz oblasti finansijskog upravljanja i kontrole u institucijama BiH. Obuci su prisustvovala 53 državna službenika iz 47 institucija Bosne i Hercegovine. Obuka je bila namijenjena službenicima koji su zaduženi za pripremu i dostavljanje Godišnjeg izvještaja o sistemu finansijskog upravljanja i kontrole u institucijama BiH. Na obuci su bile predstavljene instrukcije za izradu godišnjeg izvještaja o sistemu finansijskog upravljanja i kontrole u institucijama BiH.

CHJ MFT BiH je učestvovala u organizaciji i realizaciji Konferencije „Upravljanje rizicima u javnom sektoru u Bosni i Hercegovini“ održane ispred Koordinacionog odbora CJH.

Aktivnosti koje se odnose na donošenje i ažuriranje podzakonskih akata iz oblasti finansijskog upravljanja i kontrole u institucijama BiH nisu u potpunosti realizovane iz razloga što je došlo do kašnjenja planiranog „Projekta unapređenje javne interne finansijske kontrole u BiH“. Pripremljen je Nacrt Strategije razvoja sistema internih finansijskih kontrola u institucijama BiH za period 2020-2025 i Nacrt Smjernica za razvoj upravljačke odgovornosti. Centralna harmonizacijska jedinica Ministarstva finansija i trezora BiH provela je konsultacije na Nacrt Strategije u sklopu prijedloga programa rada u periodu od 15.10. do 30.10.2019. godine, te je javnost ovim putem informisana o izradi Strategije razvoja sistema internih finansijskih kontrola u institucijama BiH za period 2020-2025. Strategija razvoja sistema internih finansijskih kontrola u institucijama BiH za period 2020-2025 radi javnih konsultacija postavljena je na web platformu „e konsultacije“ u periodu od 13.12. do 28.12.2020. godine i na isti u navedenom periodu nije bilo komentara, prijedloga niti primjedbi.

Iako je CHJ MFT BiH realizovala gotovo sve aktivnosti iz godišnjeg plana rada za 2019. godinu, nije postignut planirani stepen uspostave i razvoja sistema finansijskog upravljanja i kontrole. Jedan od razloga za to je što sve institucije BiH još uvijek nisu pokrenule aktivnosti za razvoj internih kontrola u skladu sa zakonskim i podzakonskim aktima iz ove oblasti i dobrim praksama i preporukama EK. Također, rukovodioci na svim nivoima upravljanja u institucijama BiH još uvijek nisu svjesni odgovornosti koje imaju za uspostavljanje sistema finansijskog upravljanja i kontrole.

### **Uspostava funkcionalno nezavisne interne revizije u institucijama BiH**

U oblasti interne revizije ostvarena su sva četiri postavljena cilja koja se odnose na uspostavljanje funkcionalno nezavisne interne revizije u institucijama BiH, a to su: uspostavljanje predviđenog broja jedinica interne revizije, izvještavanje interne revizije, verifikacija certifikata i kontinuirana profesionalna edukacija internih revizora. Takođe, u izvještajnom periodu donijeti su i planirani podzakonski akti iz oblasti interne revizije, te su provedene i aktivnosti u okviru drugog ciklusa certifikacije internih revizora u institucijama BiH.

Trenutno su funkcionalno uspostavljene jedinice interne revizije u 18 institucija koliko je ukupno i bilo predviđeno da se uspostavi do kraja 2019. godine, u skladu sa propisima koji su bili važeći u momentu izrade Programa rada CHJ MFT BiH za 2019. godinu. U okviru aktivnosti na uspostavljanju jedinica interne revizije, u 2019. godini CHJ MFT BiH je zaprimila jedan zahtjev za izdavanje saglasnosti na izmjenu pravilnika o unutrašnjoj organizaciji u dijelu koji se odnosi na internu reviziju i jedan zahtjev za imenovanje rukovodioca jedinice interne revizije. Nakon ispunjavanja propisanih uslova, CHJ MFT BiH je u predviđenom roku izdala tražene saglasnosti. Takođe, CHJ MFT BiH je obavijestila institucije BiH koje nisu u potpunosti kadrovski popunile jedinicu interne revizije o zaključku Vijeća ministara BiH (donijet na 173. sjednici od 10.06.2019. godine prilikom razmatranja GKI IR za 2018. godinu) da su obavezni osigurati sredstva i provesti procedure zapošljavanja internih revizora u 2019. godini. CHJ MFT BiH je obavijestila i MFT BiH o zaključku VM BiH kojim je zaduženo ovo Ministarstvo da onemogućí nenamjensko trošenje budžetskih sredstava odobrenih za uspostavljanje i funkcionisanje interne revizije.

CHJ MFT BiH je na osnovu godišnjih izvještaja jedinica interne revizije, u martu 2019. godine pripremila Godišnji konsolidovani izvještaj interne revizije za 2018. godinu koji je, nakon odobrenja ministra finansija i trezora BiH, dostavljen Vijeću ministara BiH radi upoznavanja sa problemima interne revizije. Ovaj izvještaj daje osnovne podatke o sistemu interne revizije u institucijama BiH, aktivnostima CHJ MFT BiH, o jedinicama interne revizije, internim revizorima, revidiranim institucijama i podatke o preduzetim aktivnostima na realizaciji zaključaka Vijeća ministara BiH.

U okviru priprema za izradu Godišnjeg konsolidovanog izvještaja interne revizije za 2018. godinu, CHJ MFT BiH je pripremila i dostavila potrebne obrasce jedinicama interne revizije u institucijama BiH. Svih 18 jedinica interne revizije je u predviđenom roku dostavilo godišnji izvještaj o radu interne revizije, koje je CHJ MFT BiH obradila i na osnovu prikupljenih podataka sačinila GKI IR za 2018. godinu. Izvještaj je javno objavljen u martu 2019. godine na web platformi e-konsultacije, te nakon isteka predviđenog roka za konsultacije dostavljen je ministru finansija i trezora BiH na odobrenje.

Vijeće ministara BiH usvojilo je Godišnji konsolidovani izvještaj interne revizije za 2018. godinu na 173. sjednici održanoj 10.06.2019. godine.

Aktivnost verifikacije certifikata realizovana je kroz davanje mišljenja o prihvatljivosti certifikata internog revizora izdatih od strukovnih udruženja i entitetskih CJH. U toku 2019. godine CHJ MFT BiH je zaprimila ukupno 44 zahtjeva za verifikaciju certifikata internog revizora, na koja je, nakon izvršene provjere i uvida u dokumentaciju, izdat dokument o verifikaciji.

U okviru aktivnosti koje se odnose na kontinuiranu profesionalnu edukaciju internih revizora u institucijama BiH, u decembru 2019. godine CHJ MFT BiH je organizovala obuku o kontroli kvaliteta rada interne revizije.

Takođe, CHJ MFT BiH je učestvovala i u organizovanju Konferencije Koordinacionog odbora CHJ na teme iz oblasti interne revizije. Organizovanjem navedenih obuka omogućeno je internim revizorima u institucijama BiH da ispune propisani broj bodova KPE po osnovu pohađanja obuka koje organizuje ili podržava CHJ.

U toku 2019. godine CHJ MFT BiH je izdala, u skladu sa propisima iz oblasti KPE, a na osnovu dostavljenih zahtjeva jedinica interne revizije za bodovanje obuka koje organizuju domaći i međunarodni izvođači obuka, ukupno 93 mišljenja o bodovanju obuka kao kontinuirane profesionalne edukacije internih revizora u institucijama BiH.

Takođe, u toku 2019. godine CHJ MFT BiH je provela drugi ciklus obuke za certifikovanje preostalih 10 internih revizora koji nisu stekli Certifikat ovlaštenog internog revizora u institucijama BiH. U skladu sa utvrđenim aktivnostima certifikovanja, u 2019. godini CHJ MFT BiH je izdala rješenje za jednog internog revizora o obavezi pohađanja praktične obuke, te u skladu s tim imenovala i mentora. Za preostalih devet internih revizora CHJ MFT BiH je organizovala stručnu podršku za polaganje pismenog dijela ispita, nakon koje je organizovan i pismeni ispit. Ispit je uspješno položilo svih devet kandidata. Za osam kandidata je ostalo da obave još praktičnu obuku, koja se sastoji od vršenja dvije revizije pod nadzorom mentora, kako bi stekli Certifikat ovlaštenog internog revizora u institucijama BiH. Za jednog kandidata je u 2019. godini izdato rješenje o sticanju zvanja i certifikata ovlaštenog internog revizora u Institucijama BiH.

U 2019. godini CHJ MFT BiH je pripremila i objavila sljedeće podzakonske akte:

- Odluka o dopunama Odluke o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama Bosne i Hercegovine („Službeni glasnik BiH“, broj 65/19),
- Odluka o kriterijumima za uspostavljanje jedinica interne revizije u institucijama BiH („Službeni glasnik BiH“ broj 59/19) i
- Priručnik za reviziju učinka za interne revizore u institucijama Bosne i Hercegovine („Službeni glasnik BiH“, broj 81/19).

Aktivnosti na pripremi i izradi Priručnika za reviziju učinka su realizovane u okviru saradnje predviđene bilateralnim sporazumom zaključenim između MFT BiH i MF Holandije. U skladu sa ovim zadatkom, CHJ MFT BiH je u saradnji sa holandskim ekspertima imenovala višeinstitucionalnu Radnu grupu za izradu Nacrta priručnika. Donošenju Priručnika prethodilo je njegovo testiranje kroz pilot reviziju učinka.

CHJ MFT BiH je u toku 2019. godine pružila potrebnu pomoć Projektu EU "PIFC 3" na realizaciji aktivnosti koje su eksperti Projekta provodili u 2019. godini.

U momentu sačinjavanja Izvještaja o radu Centralne harmonizacijske jedinice Ministarstva finansija i trezora BiH rada, rodna struktura u ovoj instituciji je sljedeća:

R.broj	Naziv radnog mjesta	Broj zaposlenih po pozicijama	Polna struktura
1.	Direktor	1	1 muški
2.	Zamjenik direktora	1	1 muški
3.	Pomoćnik direktora	3	1 muški, 2 ženska
4.	Stručni savjetnik	3	3 ženska
5.	Referent SSS	1	1 ženski



**DIREKTOR**  
**Ranko Šakota**

II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNIM PROGRAMOM RADA CENTRALNE HARMONIZACIJSKE JEDINICE MINISTARSTVA FINANSIJA I TREZORA BIH

Programi i projekti	Nositelj provedbe programa i projekta	Polaznici										Komentar
		3	4	5	6	7	8	9	10	11	12	
1	2	3	4	5	6	7	8	9	10	11	12	13
<b>Program 1.1.1. Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH</b>												
Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH	CHU	Procjena uspostave FUK-a na osnovu konsolidovanih izvještaja i procjene kvaliteta u institucijama BiH	opisno	djelimić no	djelimić no	djelimić no	254.500	254.500	207.147	kraj 2019.	kraj 2019.	
		Procjena uspostave IR na osnovu konsolidovanih izvještaja i procjene kvaliteta u institucijama BiH	opisno	djelimić no	djelimić no	djelimić no	272.500	272.500	222.148	kraj 2019.	kraj 2019.	
<b>Projekt 1.1.1.1. Uspostavljanje sistema za finansijsko upravljanje i kontrolu u institucijama</b>												
Uspostava sistema za finansijsko upravljanje i kontrolu u institucijama	CHU/Odsjek za FUK	Objavljeni i ažurirani podzakonski akti iz oblasti FUK-a u skladu sa ZOF	broj	0	1	0	50.000	50.000	22.147	kraj 2019.	kraj 2019.	
		Godišnji konsolidovani izvještaj o sistemu FUK-a u institucijama BiH	broj	0	1	1	109.500	109.500	95.000	31.3.2019.	31.03.2019.	
		Organizovane i održane obuke iz oblasti FUK-a	broj	0	4	4	95.000	95.000	90.000	kraj 2019.	kraj 2019.	
<b>Projekat 1.1.1.2. Uspostavljanje funkcionalno nezavisne interne revizije u institucijama BiH</b>												
Uspostavljanje funkcionalno nezavisne interne revizije u institucijama BiH	CHU/Odsjek za IR	Broj uspostavljenih jedinica IR	broj	18	18	18	68.000	68.000	45.000	kraj 2019.	kraj 2019.	
		Godišnji konsolidovani izvještaj o sistemu IR u institucijama BiH	broj	0	1	1	100.000	100.000	90.000	31.3.2019.	31.03.2019.	
		Broj verifikovanih certifikata	broj	0	20	44	30.000	30.000	27.000	kraj 2019.	kraj 2019.	
		KPE internih revizora (obuke za IR u institucijama BiH)	broj	0	3	3	74.500	74.500	60.148	kraj 2019.	kraj 2019.	



II - IZVJEŠTAJ O PROVOĐENJU AKCIONOG PLANA PREDVIĐENOG GODISNIM PROGRAMOM RADA CENTRALNE HARMONIZACIJSKE JEDINICE  
MINISTARSTVA FINANSIJA I TREZORA BIH

Opći ciljnica: razvika: Integrirani rast

Strateški cilj: Makroekonomska stabilnost

Srednjoročni cilj: Stabilan i transparentan sistem finansiranja, upravljanja i kontrole javnim finansijama i ispunjenje međunarodnih finansijskih obaveza BiH

Specifični cilj: Uspostava sistem javne interne finansijske kontrole (PIFC) u institucijama BiH u skladu sa dobrim praksama i preporukama EU

Programi, projekti i aktivnosti	Nositelj aktivnosti (ustrojstvena jedinica)	Polazna vrijednost 2018			Vrijednost na kraju godine 2019			Izvori finansiranja (budžet, krediti, donacije, ostalo)	Planirani troškovi	Ostvareni troškovi	Vrijeme provođenja		Komentar
		3	4	5	6	7	8				9	10	
<b>Program 1.1.1. Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH</b>													
<b>Projekat 1.1.1. Uspostava sistema za finansijsko upravljanje i kontrolu u institucijama</b>													
Aktivnost 1.1.1.1. Ažuriranje podzakonskih akata iz oblasti FUK-a	CHJ/Odsjek za FUK	Broj	4	4	4	4	20.000	20.000	16.147	16.147	kraj 2019. godine	kraj 2019. godine	
Aktivnost 1.1.1.2. Donošenje novih podzakonskih akata iz oblasti FUK-a	CHJ/Odsjek za FUK	Broj	0	1	0	30.000	30.000	6.000	6.000	6.000	kraj 2019. godine	kraj 2019. godine	
Aktivnost 1.1.1.3. Donošenje forme i obrasca za godišnje izvještavanje o sistemu FUK-a	CHJ/Odsjek za FUK	Broj	1	1	1	19.500	19.500	19.500	19.000	19.000	kraj 2019. godine	kraj 2019. godine	
Aktivnost 1.1.1.4. Prikupljanje i analiza godišnjih izvještaja o sistemu FUK-a od institucija BiH	CHJ/Odsjek za FUK	Broj	0	75	75	35.000	35.000	33.000	33.000	33.000	prvi kvartal	prvi kvartal	
Aktivnost 1.1.1.5. Sastavljanje konsolidovanog godišnjeg izvještaja o sistemu FUK-a i dostavljanje Vijeću ministara BiH	CHJ/Odsjek za FUK	Broj	0	1	1	45.000	45.000	43.000	43.000	43.000	prvi kvartal	prvi kvartal	
Aktivnost 1.1.1.6. Izrada izvještaja: o izvršenju programskih aktivnosti; uspostavi sistema FUK-a u institucijama BiH, a koji se upućuju MFIT i VM BiH, DEI i drugim institucijama	CHJ/Odsjek za FUK	Broj	1	5	5	10.000	10.000	10.000	3.000	3.000	kraj 2019. godine	kraj 2019. godine	
Aktivnost 1.1.1.7. Priprema programa i plana obuke iz oblasti FUK-a	CHJ/Odsjek za FUK	Dokument	0	1	1	30.000	30.000	30.000	30.000	30.000	kraj 2019. godine	kraj 2019. godine	
Aktivnost 1.1.1.8. Organizacija i provođenje obuka iz oblasti FUK-a	CHJ/Odsjek za FUK	Broj	0	2	2	50.000	50.000	50.000	50.000	50.000	kraj 2019. godine	kraj 2019. godine	
Aktivnost 1.1.1.9. Saradnja sa Projektom EU za unapređenje javnih finansija u BiH u dijelovima koji se odnose na oblast finansijskog upravljanja i kontrole	CHJ/Odsjek za FUK	Broj	0	1	1	15.000	15.000	15.000	7.000	7.000	kraj 2019. godine	kraj 2019. godine	
<b>Projekat 1.2.1. Uspostavljanje funkcionalno nezavisne interne revizije u institucijama BiH</b>													
Aktivnost 1.2.1.1. Saglasnost na pravilnike o unutrašnjoj organizaciji institucija BiH - dio o IR	CHJ/Odsjek za IR	Dokument	17	18	18	30.000	30.000	30.000	19.000	19.000	kraj 2019. godine	kraj 2019. godine	
Aktivnost 1.2.1.2. Saglasnost na imenovanje rukovodioca jedinica interne revizije	CHJ/Odsjek za IR	Dokument	12	18	18	30.000	30.000	30.000	22.000	22.000	kraj 2019. godine	kraj 2019. godine	
Aktivnost 1.2.1.3. Prikupljanje i obrada GI IR, JIR	CHJ/Odsjek za IR	Dokument	0	18	18	50.000	50.000	50.000	45.000	45.000	prvi kvartal	prvi kvartal	
Aktivnost 1.2.1.4. Izrada GKI IR	CHJ/Odsjek za IR	Dokument	0	1	1	50.000	50.000	50.000	45.000	45.000	prvi kvartal	prvi kvartal	
Aktivnost 1.2.1.5. Verifikacija sertifikata IR od UIR	CHJ/Odsjek za IR	Dokument	0	20	20	20.000	20.000	20.000	18.000	18.000	kraj 2019. godine	kraj 2019. godine	
Aktivnost 1.2.1.6. Certifikovanje IR u skladu sa Programom	CHJ/Odsjek za IR	Dokument	30	31	31	10.000	10.000	10.000	9.000	9.000	kraj 2019. godine	kraj 2019. godine	
Aktivnost 1.2.1.7. Obuke iz KPE	CHJ/Odsjek za IR	Dokument/Pavrdra	0	37	37	35.000	35.000	35.000	30.000	30.000	kraj 2019. godine	kraj 2019. godine	
Aktivnost 1.2.1.8. KONTINUIRANA profesionalna edukacija u skladu sa Programom, Odlukom i Upisnicom o KPE	CHJ/Odsjek za IR	Dokument	0	80	80	32.000	32.000	32.000	25.000	25.000	kraj 2019. godine	kraj 2019. godine	
Aktivnost 1.2.1.9. Saradnja sa Projektom EU za unapređenje javnih finansija u BiH u dijelovima koji se odnose na oblast interne revizije	CHJ/Odsjek za IR	Broj	0	1	1	7.500	7.500	7.500	5.148	5.148	kraj 2019. godine	kraj 2019. godine	
Aktivnost 1.2.1.10. Saradnja sa Jedinicama interne revizije	CHJ/Odsjek za IR	Broj	0	10	10	8.000	8.000	8.000	4.000	4.000	kraj 2019. godine	kraj 2019. godine	



IV - IZVJEŠTAJ O PROVOĐENJU AKCIONOG PLANA PREDVIDENOG GODIŠNJIM PROGRAMOM RADA CENTRALNE HARMONIZACIJSKE JEDINICE MINISTARSTVA FINANSIJA I TREZORA BIH							
Opći ciljnačela razvika: integrirani rast							
Strateški cilj: Makroekonomska stabilnost							
Srednjoročni cilj: Uspostavljen sistem javne interne finansijske kontrole (PIFC) u institucijama BiH							
Specifični cilj: Razvoj i koordinacija pri uspostavi sistema FUK-a i funkcionalno nezavisne interne revizije u institucijama BiH							
Naziv podzakonskog akta	Vrijeme provođenja			Status podzakonskog akta završeno na 31.12.2019.godine			
	Planirani kvartal za provođenje aktivnosti	Kvartal kada je aktivnost provedena	Uputčen rukovodilcu	Uputčen od strane rukovodilca	Uputčen VM BiH	Uvojen na VM BiH	Komentar
1	2	3	4	5	6		
<b>Program 1.1.-Razvoj i koordinacija pri uspostavi sistema finansijskog upravljanja i kontrole i funkcionalno nezavisne interne revizije u institucijama BiH</b>							
<b>Projekt 1.1.1. Uspostava sistema za finansijsko upravljanje i kontrolu u institucijama i Projekat 1.1.2. Uspostavljanje funkcionalno nezavisne interne revizije u institucijama BiH</b>							
1.1.1.1.Strategija PIFC za period 2020-2025	Kraj 2019. godine		NE	NE	NE	NE	Aktivnosti koje se odnose na donošenje i ažuriranje podzakonskih akata iz oblasti finansijskog upravljanja i kontrole u institucijama BiH nisu u potpunosti realizovane iz razloga što je došlo do kašnjenja planiranog „Projekta unapređenje javne interne finansijske kontrole u BiH“.
							Pripremljen Nacrt Strategije razvoja sistema internih finansijskih kontrola u institucijama BiH za period 2020-2025. Koju usvaja Vijeće ministara BiH. Centralna harmonizacijska jedinica Ministarstva finansija i trezora BiH provela je konsultacije na Nacrt Strategije u sklopu prijedloga programa rada u periodu od 15.10. do 30.10.2019. godine, te je javnost ovim putem informisana o izradi Strategije razvoja sistema internih finansijskih kontrola u institucijama BiH za period 2020-2025. Strategija razvoja sistema internih finansijskih kontrola u institucijama BiH za period 2020-2025 radi javnih konsultacija postavljena je na web platformu „e konsultacije“ u periodu od 13.12. do 28.12.2020. godine i na isti u navedenom periodu nije bilo komentara, prijedloga niti primjedbi.
1.1.1.2.Smjernice za upravljačku odgovornost	Kraj 2019. godine		NE	NE	NE	NE	Pripremljen je Nacrt Smjernica za razvoj upravljačke odgovornosti koje donosi direktor CHJ. Aktivnosti koje se odnose na donošenje ovog podzakonskog akta nije u potpunosti realizovana iz razloga što je došlo do kašnjenja planiranog „Projekta unapređenje javne interne finansijske kontrole u BiH“.

Projekat 1.1.2. Uspostavljanje funkcionalno nezavisne interne revizije u institucijama BiH																						
1.1.1.2. Priručnik za reviziju učinka za interne revizore u institucijama Bosne i Hercegovine („Službeni glasnik BiH“, broj 81/19)	Kraj 2019. godine	Četvrti kvartal	DA	DA	DA	NE	NE	NE														Izrađen podzakonski propis iz oblasti interne revizije koji donosi direktor Centralne harmonizacijske jedinice Ministarstva finansija i trezora BiH. Priručnik za reviziju učinka propisuje metodologiju rada i izvještavanje prilikom provođenja revizije učinka, a namijenjen je internim revizorima u institucijama Bosne i Hercegovine. Svrha Priručnika je da olakša internim revizorima razumijevanje principa i pravila revizorskih procedura koje će primjenjivati u svom radu, kao i usvajanje zajedničke stručne terminologije. Centralna harmonizacijska jedinica Ministarstva finansija i trezora BiH je Priručnik pripremila u saradnji s Nacionalnom akademijom za ekonomiju i finansije Ministarstva finansija Kraljevine Nizozemske i internim revizorima u institucijama BiH
1.1.1.3. Odluka o kriterijumima za uspostavljanje jedinica interne revizije u institucijama BiH („Službeni glasnik BiH“ broj 59/19)	Kraj 2019. godine	Tredji kvartal	DA	DA	DA	NE	NE	NE														Izrađen podzakonski propis iz oblasti interne revizije koji donosi direktor Centralne harmonizacijske jedinice Ministarstva finansija i trezora BiH. Ovim propisom Centralna harmonizacijska jedinica Ministarstva finansija i trezora Bosne i Hercegovine definiše kriterije za uspostavljanje jedinica interne revizije u skladu sa Zakonom o internoj reviziji institucija Bosne i Hercegovine
1.1.1.4. Odluka o dopunama Odluke o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama Bosne i Hercegovine („Službeni glasnik BiH“, broj 65/19)	Kraj 2019. godine	Tredji kvartal	DA	DA	DA	NE	NE	NE														Izrađen podzakonski propis iz oblasti interne revizije koji donosi direktor Centralne harmonizacijske jedinice Ministarstva finansija i trezora BiH. Dopunama Odluke dodatno se unapređuje i razrađuje Odluka koja definiše način bodovanja, evidentiranja i izvještavanja o kontinuiranoj profesionalnoj edukaciji

V - ZBIRNI PREGLED MEĐUNARODNIH UGOVORA PLANIRANIH GODIŠNIM PROGRAMOM RADA CENTRALNE HARMONIZACIJSKE JEDINICE MINISTARSTVA FINANSIJA I TREZORA BIH							
Opći cilj/načela razvika: Integrirani rast							
Strateški cilj: Makroekonomska stabilnost							
Srednjoročni cilj: Stabilan i transparentan sistem finansiranja, upravljanja i kontrole javnim finansijama i ispunjenje međunarodnih finansijskih obaveza BiH							
Specifični cilj: Uspostava sistem javne interne finansijske kontrole (PIFC) u skladu sa dobrim praksama i preporukama EU							
Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2019.godine				
	Planirani kvartal za provođenje aktivnosti	Kvartal kada je aktivnost provedena	Uputen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	Komentar
1.1 (naziv programa)							
1.1.1 (naziv projekta)							
1.1.1.1 (naziv međunarodnog ugovora)							
1.1.1.2 (naziv međunarodnog ugovora)							
1.1.2 (naziv projekta)...							
1.2 (naziv programa)...							
1.1.2.1 (naziv međunarodnog ugovora)							
1.1.2.2 (naziv međunarodnog ugovora)							

VI- IZVJEŠTAJ O JAVNIM INVESTICIJAMA PLANIRANIH GODIŠNIM PROGRAMOM RADA CENTRALNE HARMONIZACIJSKE JEDINICE MINISTARSTVA FINANSIJA I TREZORA BOSNE I HERCEGOVINE

Opći cilj/načela razvika: Integrirani rast

Strateški cilj: Makroekonomska stabilnost

Srednjoročni cilj: Uspostavljen sistem javne interne finansijske kontrole (PIFC) u institucijama BiH

Specifični cilj: Razvoj i koordinacija pri uspostavi sistema FUK-a i funkcionalno nezavisne interne revizije u institucijama BiH

Naziv projekta javnih investicija	Nosilac aktivnosti	Očekivani period realizacije	Završen (DA/NE)	Status (ZAVRŠENO, U POSTUPKU, ODLOŽENO, PREKINUTO)	Komentar
1.1 (naziv programa)					
1.1.1 (naziv projekta)					
1.1.1.1 (naziv javne investicije)					
1.1.1.1.2 (naziv javne investicije)...					
1.1.2 (naziv projekta)...					
1.2 (naziv programa)...					

## VII – IZVJEŠĆE O PROVEDENIM KONZULTACIJAMA KOD IZRADE IZVJEŠTAJA O RADU

Prijedlog Izvještaja o radu Centralne harmonizacijske jedinice Ministarstva finansija i trezora Bosne i Hercegovine za 2019. godinu postavljen je na web platformu „e konsultacije“ u periodu od 19.02. do 05.03.2020. godine i na isti u navedenom periodu nije bilo komentara, prijedloga niti primjedbi.